

Ուրախանանք երկու թիմերի համար

Էլլի Սթարք
(Հիմնված է հրական պատմության վրա)

Այս պատմությունը տեղի է ունեցել Հարավային Կորեայում:

Ջեյնն ուտում էր իր վերջին գդալ լապչան: Ըն: Համեղ էր:

Եկեք խաղանք Yut Nori (Յուտ Նորի): ասաց մորեղբայր Ջի-Յոն:

Կրկին եկել էր տարվա այդ ժամանակը:

Նրա ընտանիքը նշում էր Chuseok-ը՝ կորեական Գոհաբանության օրը: Այսօր Ջեյնի ընտանիքը հավաքվել էր գանազան համեղ ուտեստներ ճաշակելու և միասին Յուտ Նորի խաղալու համար: Յուտ Նորին Ջեյնի սիրելի խաղն էր:

Բոլորը շրջանաձև նստեցին հատակին:

Ջեյնը նայեց շուրջը: Ո՞ր թիմում էր նա ցանկանում լինել: Նա մոտեցավ նստելու մորեղբայր Ջի-Յոյի կողքին: «Ես ուզում եմ լինել ձեր թիմում», - ասաց նա: «Մենք մեծ հաղթանակ ենք տանելու»:

Մորեղբայր Ջի-Յոն ծիծաղեց: «Քանի որ դու մեր թիմում ես, անկասկած, լավ հնարավորություններ ունենք»:

Ջեյնի մայրիկը խաղատախտակը դրեց շրջանի կենտրոնում: Ջեյնն օգնեց նրան շարել մասերը: Նրանք չորս փայտերը փոխանցեցին այն թիմին, որը սկսելու էր խաղը:

Ջեյնի զարմուհին՝ Աննան սկսեց խաղը:

Նա փայտերը նետեց օդ: Ձողիկների վայրեցքի ձևը ցույց տվեց, թե այդ թիմը որքան կարող է առաջ շարժվել խաղատախտակի վրա: Բոլոր չորս փայտերը դեպի ներքև էին ուղղված, ինչը նշանակում էր, որ Աննան Յուտ է ստացել: Նա իր թիմի խաղաքարը չորս անգամ առաջ տարավ և խաղը շարունակելու արտոնություն ստացավ:

Ջեյնը խոժոռվեց:
Նա չէր ուզում, որ
մյուս թիմը հաղթեր:



Բայց Աննան Ջեյնի թիմում չէր:

Ջեյնը ձեռքերը ծալեց և խոժոռվեց:

«Ես հույս ունեի, որ նա լավ նետում չի կատարի», - շշուշաց նա մորեղբայր Ջի-Յոյին:

«Ուրախացիր», - ասաց մորեղբայր Ջի-Յոն:

«Խաղը դեռ սոր է սկսվել»: Նա քաջալերական ժպիտ պարզեց նրան:

Աննայի երկրորդ փորձից հետո Ջեյնի թիմը նետեց փայտերը: Բայց նրանք չկարողացան տեղափոխել իրենց խաղաքարերն այնքան հեռու, որքան Աննայի թիմը:

Խաղի յուրաքանչյուր փուլից հետո Ջեյնի ընտանիքի անդամները ուրախանում և ծիծաղում էին: Ջեյնը դիտում էր, թե ինչպես են խաղաքարերը շարժվում խաղատախտակի շուրջը: Բոլորը զվարճանում էին:

Բոլորը՝ բացի Ջեյնից: Նրա թիմը դեռևս պարտվում էր:

ՆԱՄՐԱԲԵ: ՌՈՒՄՆ ԴՈՒՄՆ

Շուտով Ջեյնի հերթն էր: Նա փայտերը նետեց օդ, բայց միայն մեկը հաջողակ վայրեցք կատարեց: Նրա թիմի խաղաքարն առաջ շարժվեց ընդամենը մեկ քայլ:

Ջեյնը ձեռքերը ծալեց: «Ես այլևս չեմ խաղում», - բղավեց նա: «Ես ուզում էի, որ մենք հաղթենք»:

Հանկարծ բոլորը լռեցին: Երբ նա գլուխը բարձրացրեց, ընտանիքը նայում էր նրան: Նրանք կարծես զարմացնում էր նրա զայրույթը:

Ջեյնը կարմրել էր: Նա վատ էր զգում, որ երջանիկ չէ իր ընտանիքի համար: Նա սովորաբար այդքան չէր զայրանում: Նա ոտքի կանգնեց, որպեսզի հեռանա շրջանից:

Մորեղբայր Ջի-Յոն մեկնեց ձեռքը: «Պարտադիր չէ, որ դու հեռանաս, - ասաց նա, - Կարևորը հաղթելը չէ: Պարզապես փորձիր ուրախ ժամանակ անցկացնել»:

«Լավ»: Ջեյնը նորից զբաղեցրեց իր տեղը: Նա ցանկանում էր զվարճանալ, ինչպես բոլորը: Նա խոր շունչ քաշեց և դիտեց, թե իր զարմիկ Բենին ինչպես է նետում փայտերը:

«Հաջող նետում էր, Բեն», - ասաց մորեղբայր Ջի-Յոն: Նրա ձայնի մեջ ուրախություն զգացվեց:

Ջեյնը լայն բացած աչքերը հանեց մորեղբայր Ջի-Յոյի վրա: Նա ուրախ էր հակառակորդ թիմի համար: Երևի դա էր պատճառը, որ նա այդքան ուրախ էր:

Երբ սկսվեց հաջորդ փուլը, Ջեյնը որոշեց ուրախանալ երկու թիմերի յուրաքանչյուր մասնակցի համար: Մորեղբայր Ջի-Յոն ճիշտ էր: Կարևորը հաղթելը չէր: Հիսուսը կարող էր օգնել նրան երջանիկ լինել իր ընտանիքի անդամների համար, նույնիսկ եթե նա պարտվեր:

Երբ կրկին Աննայի հերթը հասավ, Ջեյնը ժպտաց նրան: «Հաջողություն եմ մաղթում քեզ: Դու կարող ես հաջողել»:

Աննան ժպտաց նրան՝ ի պատասխան: Ջեյնը ներքուստ ջերմություն էր զգում: Նա արդեն ավելի ուրախ էր: ●

«Կյանքում շատ բան կախված է մեր վերաբերմունքից: Այն, թե մենք ինչպես ենք տեսնում իրերը և արձագանքում որիչներին, շատ բան է փոխում»:

Նախագահ Թոմաս Ս. Մոնտան (1927–2018), «Ապրել լիառատ կյանք», *L'Espresso*, հունվար 2012, 4: